

Aiseag iomshlán do uair Tadhg

[McKenna, L.: *Aithdioghluim Dána* (Irish Texts Society, vols 37, 40, 1939/40), poem 5]

Tadhg Óg Ó hUiginn cct.

1 Aiseag iomshlán do uair Tadhg
ó nach iomshlán cruaidh a cholg,
críoch a shean gun uasal ard
Tadhg suasan do lean an lorg.

2 Mac Cathail Óig do uair gnaoi
na cóig achaidh do uair sé;
do chuaidh ó bheith mar do bhí,
gach ní ar ar fheith do uair é.

3 Mac Cathail nar ghabh ó ghuin
a bhladh ós athair an fhir;
cóig sluaigh ag teachta dá thoigh,
mar soin do-chuaidh eachtra an fhir.

4 Iomdha féinnidh ag buain both
an uair fa n-éirigh a-mach;
mar théid rí Oiligh ar each
goiridh an neach ga mbí an brath.

5 Fir do fhréimh Tuathail gá dtám
a réir is uathaibh as eol;
leagar [dá] sgoil féine an fíon,
ní fhoil síol Créidhe acht don cheol.

6 I n-urchomhair Gall do ghein
Ó Conchobhair dan cam dair;
a lámhach do-gheibh a ghuin
ag sein a bhfuil d'árach air.

7 Aige féin ní an a fhearg
go rabh a chéim 'n-a chéim ard;
gabhaidh Banbha ó bhurd do bhurd,
tarla i n-urd a dtabhair Tadhg.

8 Lucht foghla ó fuair ar a chionn
do-chuaidh is an gcolbha reann,
fágbhaidh dá éise an cíoith crann
rioth ag barr Céise 'n-a cheann.

9 Sealbh iomdhaidhe i dtulaigh Thé
ag curaidh fhionnMhoighe Aoi,
sgiath datha i dteaghdhois Dá Thí

is rí Lacha Fearghois faoi.

10 Nochtar gormlann tana ag Tadhg
- gabha ní fhoghnann gan ord;
laoch mear a Bruighin Dá Bhearg
do dhearg um Theagh gCuiridh colg.

11 An cath is ar a thí a-tá
- gan ní dá bhrath noch a biu;
éinfhiuchadh má uair do chrú
ní smuain tú réidhiuchadh riu.

12 God thogra do Thoigh na nGiall
gan togra a-noir agad neoll,
ráth Teamhra agus sibh i suan
a luadh, a fhir Bearbha, id bheol.

13 Meinic bhí, a chroinn t'fhéine ós fhiodh,
a rí ó gCréidhe, ar cloinn sadh;
iomdha um nóin seabhac is sodh
ag dol reamhat go mbróin ban.

14 Mar bhíos fíon ag guin do ghruadh
agus fuil na ríogh a-raon,
gomadh beag ibhe don fhíon,
bíodh cead a ibhe ag gach aon.

15 Do riar, a Thaidhg, gémadh trom
mairg re mbiadh do theann i dteann;
iomdha fola ós íseal ann
dá dtísead am cora id cheann.

16 Mana gríosa d'allaibh aoil
gan do chíossa ar clannaibh Róigh;
tugais ucht ar fhine mBriain
slighe id dhiaidh ag lucht an lóin.

17 Fuil ó orlaidhe th'airm áith
is baidhbh id chomhghaire i gcléith,
má rugais cách ar Carn Fraoich
badhbh [i maoith] ar sgáth do sgéith.

18 A mbí, a fhéinnidh Midhe, id mhúr
gan éindigh d'ibhe acht a hór
iomdha id lios duine ar budh díol
im shlios ríogh dá suidhe an slógh.

19 Iomdha im Éirne doighear dhearg
thoirean ag éirghe go hard;

deargfa, a rí Cliodhna, do cholg
ar lorg tiomna na dtrí dTadhg.

20 Sneachta 'n-a thráth ní feas fúibh,
teas ag teachta i n-a thráth féin,
fearthain ionmhall do fhear dhaoibh
re taoibh iodhlann ngeal don ghréin.

21 Lán gach fionnmhagh lán gach loch
mar as lán an fhiodhbhadh d'ioth
dol i gcoille i gceann a bheach
fearr le neach coinne re cíoith.

22 Sreabha i gcaladhaibh go ciuin
acht eala ag canamhain ceoil;
mór do theilg an ghrian do ghaoibh
a-niar 'n-a caoir dheirg fa dheoidh.

23 Mac mheic Cathail ó Charn Fraoich
rachaidh i ngleic le harm n-áith
giolla fionn ó Léim an Léith
a réir is féith i gcionn cháich. Aiseag.